

F.

Calendis Decembris. Luna.

18 29 10 11 2 13 24 5 16 27 8 19 30 11 22 3 14 25 7

A b c d e f g h i k l m n o p q r s t

Die

1.

Romæ, Sanctorum martyrum, Diodori presbyteri, & Mariani diaconi, & aliorum complurium: qui, dum Numerianum fidei aduersarium, CHRISTI confessione superarunt, coronam nobili martyrio promeruerunt. Romæ itē, beatorū martyrum, Cādidæ, Lucii, Rogati, & Cassiani. Senis, Sācti Anfani martyris. Hic veræ diuinæ pietatis athleta, in grauissima illa, per Diocletianum, & Maximianum excitata persecutionis tempestate, ad Lysiam proconsulem productus, constanti fidei testimonio, martyrii calicem bibit. In Grecia, Sancti Ananiæ martyris; qui fidei causā comprehensus, & usque ad necem virgis ita cæsus, vt vix respiraret; sublatis in cælum oculis, sancte precando, animam Deo reddidit. Narniæ, Sancti Proculi Episcopi, & martyris: qui, Totila Gothorum Rege, ob catholicam fidem varie exagitatus, demum admiranda virtute martyrii certamen confecit. Mediolani, Sancti Castritiani Episcopi, & cōfessoris, qui in pastorem curam summa vigilantia incumbens, quæcumque ingrauescente Domitiani persecutione collapsa erant, Mediolani restituere contendit. Philippi, nobilis uiri, ædes, quas dono acceperat, Deo in ecclesiam dicauit. Basilicas præterea duas, vnam Portianam, alteram Faustinianam, consecrauit, translatis Sanctorum martyrum, Vitalis, & Agricolæ reliquiis. His, atque aliis pie gestis rebus, cum vnum, & quatragesima annos ecclesiam Mediolanensem, in summa persecutionum tempestate, gubernasset, multis pro Dei religione laboribus, & certaminibus perfunctus, abiit ad Dominum. Brixia, Sancti Vrsicini Episcopi, & confessoris. Hic sanctissimo uiro Apollonio, qui illius ciuitatis Episcopus quintus numeratur, succedens, proposita eius religiosarum uirtutum imitatione, Christianæ fidei cultum mirifice in ciuitate Brixienfi excitauit. Nouiomi, Sancti Eli-

cti Eligii Episcopi, & confessoris: cuius admirabilem uitæ sanctitatem miracula declarât; quæ multa ab eo diuinitus edita, libris duobus, Audoenus, Rothomagensis Episcopus, conscripsit. Hoc ipso die Sancti Euasii Episcopi, & confessoris:

Quarto nonas Decembris. Luna.

G. xiii.

19 1 11 22 3 14 25 6 17 28 9 20 1 12 23 4 15 26 8
A b c d e f g h i k l m n o p q r s t

Romæ, Sanctæ Bibianæ martyris: quæ, Iuliani Apostatæ iussu, 2
plumbatis horribilem in modum, atque vsque adeo cæsa est, quoad spiritum Deo reddidit. Romæ item, beatissimorum martyrum, Pontiani, Priminii, Dimetri, & Iubiani. In Mauritania, Sanctorum, Seueri, Securi, Ianuarii, & Victorini, martyrum. In Græcia, Sancti Abibæ diaconi, & martyris. Hic, Lycinio tyranno, omnes, ad se accedentes, verbo ueritatis cum institueret; ob eam causam illius iussu comprehensus, teterrime torquetur; tum in fornacem iniectus, magno animi gaudio ad Dei laudes canendas attentus, abiit in cœlû. In foro Cornelii, S. Petri Epî, & confessoris. Is innocentia uitæ, & doctrina præstans, diuino admonitu, a Xysto Tertio, Põtifice, Ep̃s Rauennæ creatus, tale munus, quod inuitus susceperat, decem ipsos annos gessit, magno virtutum episcopaliũ splẽdore, ac præclara sanctitatis testificatione, doctrinæque sacræ, tum diuinæ eloquentiæ, vnde Chrysologi nomen inuenit, laude: quæ & in concionibus, & in libro, quem Leonis Magni, Pontificis auctoritate contra Euthythem hæreticum scripsit, mirifice elucet. Brixia, Sancti Euasii Episcopi, & confessoris. Veronæ, Sancti Lupi Episcopi: qui admirabili pietate, ac doctrina excultus, episcopatu summa cum laude sanctitatis administrato, quieuit in Domino.

Tertio

20 2 12 13 4 15 26 7 18 29 10 21 2 13 24 5 16 27 9
 A b c d e f g h i k l m n o p q r s

3 **R** Omæ, Sanctorum martyrum, Claudii, Tribuni, Hilaria conjugis, Iasonis, & Mauri, filiorum, & aliorum septuaginta militum, qui, Chrisanti, & Dariae, martyrum exemplo diuinaque ope, ac munere in primis ad fidem perducti, constantissimo animo in CHRISTI Domini confessione perseuerantes, iam immanibus exantlatis cruciamentis, demum præcis ceruicibus, ad palmam martyrii pari religionis ardore perueniunt. Claudius autem, alligato ad collum saxo, in mare præceps deiectus, itidem coronatur. Tingi in Mauritania, Sancti Cassiani martyris; qui ne in Christianos homines crudelitate uteretur, exceptoris officio deposito, ob CHRISTI fidem, quam spiritus diuini lumine collustratus, ardenti studio susceperat, vna cum illis necatus, martyrii præmium cæleste consequitur. In Nicomedia beatorum martyrum, Ambici, Victoris, & Iulii. Alexandria in Aegypto, Sancti Theodori Episcopi, & martyris. Alexandrinus populus, maxime omnium crudele Christiano nomini bellum infesto diu odio intulit. quare plurimi in ea vrbe extiterunt martyres: in quorū numero est Theodorus Episcopus. Hic cum eam, quam ipse profitebatur, CHRISTI fidem passim omnibus prædicando, ad Dei cultum infideles à dementi, impuraque superstitione conuerteret; facto Alexandrinorum concursu, atque furenti impetu comprehensus, horrendum in modum cæditur: deinde contexta spinis corona, in caput adacta, oculisq; grauiter contusis, per iocum vulgo irridetur. Post rursus vinctus in mare proicitur: vnde incolumis ope diuina cum extitisset, iussu præfecti, capitis damnatus, cōmemorabili Christianæ pietatis uirtute, datis pro CHRISTO ceruicibus, ad martyrii palmam migrat in cœlum. In Africa, Sanctorum, Claudii, Crispini, Maginæ, Ioannis, & Stephani, martyrum. In Pannonia, Sancti Agricolæ martyris. Mediolani, Sancti Mirocletis Episcopi, & confessoris: cuius aliquādo Sanctus Ambrosius meminit.

nit. Dorcestriæ in Anglia, Sancti Birini Episcopi, & confessoris: qui ab Honorio Pontifice legatus, ad eam insulam missus, Rege ab idolorum cultu, ad Christianam religionem reuocato, declarataq; post obitum miraculis multis eius sanctitate, relatus est in sanctorum numerum. Hoc ipso die, Sophoniæ Prophetæ.

Pridie nonas Decembris. Luna.

B. x.

21 3 13 24 5 16 27 8 19 1 11 22 3 14 25 6 17 28 10
 A b c d e f g h i k l m n o p q r s t

Nicomediæ, Sanctæ Barbaræ uirginis, & martyris: quæ, pro fidei Christianæ propugnatione, ad durum crudelemque iudicem, patre impio procurate, producta, cum in eius animo altissimis defixa pietatis radicibus Christiana uirtus inesset, non terroribus, non ui, non promissis, non spe, non facibus, non ullis denique tormentorum machinis, e piæ mentis gradu depulsa: sed CHRISTI armatura uirgo induta, cælesti animi robore cum contra omnes cruciatus uim Christianæ religionis declarasset; demum ab impio patre, securi percussa, multis uirtutibus, & miraculorum gloria illustris, ad duplicatum uirginitatis, & martyrii præmium abiit in cælum. Romæ beatissimorum martyrum, Symphronii, & Olympii: qui, Valeriano, & Galieno, Imperatoribus, pro CHRISTI confessione certo acerbissimæ mortis supplicio proposito non deterriti, uerum christianæ uirtutis magnitudine, & constantia roborati, superata cruciamentorum immanitate, nec tandem obiecti, martyrii coronam acceperunt. In Ponto, sancti Meletii Episcopi, & confessoris. Hic doctrinarum laude clarus, tum uirtutibus, quæ magno cū splendore in illius uita elucebant, ac sanctitate in primis longe illustrior fuit. Alexandriæ, sancti Clementis presbyteri: qui, Panteni martyris opera in sacris litteris uersatus, illarum scientia maxime floruit. Parmæ, Sancti Bernardi Episcopi, & confessoris. Colonia, Sancti Annonis Episcopi.

Nonis Decembris. Luna.

C.

22 4 14 25 6 17 28 9 20 2 12 23 4 15 26 7 18 29 11
 A b c d e f g h i k l m n o p q r s t

Nicomediae in Bythinia, Sanctorum martyrum, Trophimi, & Eu-
 charionis: qui in Deciana persecutione, Martiani praesidis ius-
 su, graues cruciatus perpeffi, praclaris confessionibus fidei in CH R I
 S T V M insigniter nobilitati, demum, nece obita, martyrio coronan-
 tur. Niceae in Bithynia item, Sancti Bassi Episcopi: qui in magno eius-
 dem persecutionis impetu, pro uero Christianae religionis cultu,
 quem sermonibus professus est, & tormentis, quae fortiter sustinuit,
 & profuso sanguine asseueranter testificatus, martyrii palmam con-
 sequitur. In Africa, Sanctae Crispinae martyris. Haec in Diocletiani,
 & Maximiani persecutione, cultum falsis diis cum tribuere constan-
 ter plane recusaret, Anolini praefulsi iussu, capite plectitur: in cu-
 ius martyrii anniuersaria celebritate, Sanctus Augustinus psalmum
 decimum tertium populo explicauit. Tauchirae in Africa, Sanctorum
 martyrum, Crispini, Felicis, Iulii, Potamiae, Grati, & sociorum se-
 ptem. Pedona in regione, Sancti Dalmatii martyris: qui doctrina, vi-
 taque exemplis cum multos ab impietatis tenebris, ad fidei lumen
 perduxerit: tum grauibus pro CH R I S T O tormentis exhaustis, ac
 nece, quam gaudenti animo subiit, omnibus perhibuit testimonium
 Christianae fidei. Papiae, Sancti Crispini Episcopi, & confessoris, cu-
 ius multis in rebus spectata est doctrina, & sanctitas. In Cappado-
 cia, Sancti Sabbae abbatis. Hic nobili genere natus, ut primu e pue-
 ris excessit, repudiatis paternis bonis omnibus, in monasterium se-
 contulit: ubi monachus factus, quantum aetate procedebat, tantum
 ad omnem virtutis viam progrediebatur. Post abbas creatus, mona-
 chorum cura pie administrata, sanctis virtutibus, & miraculis prae-
 cens, totus contemplationi deditus, quieuit in Domino.

Octauo idus Decembris. Luna.

D.
xviii.

23 5 15 26 7 18 29 10 21 3 13 24 5 16 27 8 19 1 12
A b c d e f g h i k l m n o p q r s t

Sancti Nicolai Episcopi, & cōfessoris. Is adolescens, parentibus
 orbatuſ, patrimoniuſ pauperibus in eleemoſinam contulit. De
 inde Myreæ Episcopuſ, Dei admonitu factuſ, in eo munere geren-
 do caſtitatem, quam perpetuò coluit, grauitatem, orationis affidui-
 tatem, vigilias, abſtinētiā, liberalitatem, hoſpitalitatem, in adhor-
 tando māſuetudinē, in reprehendendo ſeueritatem ſemper adhi-
 buit. Viduiſ, & orphaniſ, pecunia, conſilio, opera non defuit: oppreſ-
 ſoſ ſubleuauit. In Diocletiani, & Maximiani perſecutione, ob catho-
 licam fidem ab imperatoruſ ſatellitibuſ comprehenſuſ, & longiſſi-
 me in carcerem abductuſ, ibi fuit uſque ad Cōſtantinuſ Cæſarem:
 cuiuſ iuſſu e cuſtodia ereptuſ, Myream rediit, mox ad Nicenum cō-
 cilium ſe contulit: inde, damnata hæreſi Ariana reuerſuſ ad Episco-
 ſcopatuſ, non multo poſt, miraculorum multitudinē, & ſanctitate
 claruſ, migrauit ad cœleſtem patriam. Alexandria in Aegypto, San-
 cti Macharii martyriſ, Decio Imperatore, egregia pro fide CHR I-
 ſtianiſ dimicatione nobilitati. In Africa, ſanctarum virginum, Diony-
 ſiæ, Datiuæ, Leontiæ, & Sanctorum præterea, Aemiliani, Tertii, Boni-
 facii, Seruili, Victoriſ, & Maiori: qui omneſ, in perſecutione Van-
 dalica, ob catholicam fidem teterrimiſ excruciatuſ tormentiſ, in con-
 feſſorū numero adſcripti ſunt.

Septimo idus Decembris. Luna.

E.
vii.

24 6 16 27 8 19 30 11 22 4 14 25 6 17 28 9 20 2 13
A b c d e f g h i k l m n o p q r s t

Mediolani, Ordinatio Sancti Ambroſii Episcopi: qui, diuino
 admonitu, Episcopuſ declaratuſ, animo cum eſſet ſimplici,
 & aperto, tum magno etiam, atque excelſo, præſertim diuinæ pie-
 tatiſ

tatis zelo motus, ita se gessit, ut patrū & Latinorum, & Græcorum, qui etiam illius hunc festum diem celebrant, iudicio illius sanctitate, & doctrinæ splendore uniuersa illustretur ecclesia. Alexandria in Aegypto, sancti Agatonis martyris. Hic Decio Imperatore, cum præsto esset, sanctis hominibus, pro **C H R I S T O** Domino dimicantibus; prohiberetque à quibusdam martyrum corpora, iniuriosius tractarentur; uulgi clamore sublato, in iudicium raptus, christianæ fidēi uirtute roboratus, post multas in tormentis quæstiones, perpetuò sibi in religionis proposito constans, demum, capite obruncato coronatur. Apud Baiocas in Gallia, Sancti Guibaldi Episcopi & confessoris: Sanctæ Faræ item uirginis. Apud Sanctonas Sancti Martini abbatis; ad cuius sepulcrum creberrima diuinitus fiunt miracula. Hoc ipso die Octaua, Sancti Andreae Apostoli.

Sexto idus Decemb. Luna.

F.

25 7 17 28 9 20 2 12 23 5 15 26 7 18 29 10 21 3 14

A B C D E F G H I K L M N O P Q R S T

8 **C**onceptio beatissimæ uirginis Mariæ, Dei genitris. Romæ, uia Appia, Sancti Eutichiani Papæ, & martyris: Hic cum multa pro ecclesia Dei grauius sanctæque constituerit: tum martyres trecentos, & quadraginta duos manu sua sepelisse traditur. Demum in Aureliani persecutione, martyrio coronatur. In Mesopotamia Syriæ Sancti Athenodori martyris: qui Diocletiano Imperatore christianæ religionis accusatus, primo ad duas columnas alligatus, candentibus aduritur facibus: deinde globulis ferreis ignitis, in humeros contortis, tetre percutitur: post in boue æneo, subiecta flamma, includitur. E quibus suppliciis, ope diuina, mirandum in modum liberatus, ad **C H R I S T I** fidem omnes qui aderant, conuertit. quomobrem præfectus, qui propterea iratior factus erat, gladio martyrem feriri iubet. Carnifex igitur, eo districto ceruici imminerebat: cum manus, quæ collum petebat, repente ab humeris auulsa, reliquas omnes

omnes a cæde sancti deterruit : qui tamen præclari martirii cursum summa constantia confecit. Treueris, Sancti Eucharîi Episcopi. Is, beati Petri, Apostolorum principis, discipulus, ab vrbe Roma in Galliam, Germaniamque prædicationis euangelicæ causa ab eo missus; Treuerensium Episcopus factus, cum à tenebris impiæ superstitionis ad fidei Christianæ lucem perduxisset, in pace confessor Domini obdormiuit. Veronæ, Sancti Zenonis Episcopi: cuius dies natalis; ut supra narratum est, pridie idus Aprilis agitur: hodie consecratio celebratur. In monasterio Luxouienti, Sancti Romarici abbatis, & confessoris.

Quinto idus Decembris. Luna.

G.
XV.

26 8 13 29 10 21 3 13 24 6 16 27 8 19 I III II 22 4 15
A b c d e f g h i k l m n o p q r s t

TOleti in Hispania, Sanctæ Leocadiæ virginis : quæ, Aureliano Imperatore, à Datiano præfecto, Toleti in custodiam inclusa, ibique grauius affecta, cum Sanctæ Eulaliæ, reliquorumque martyrum cruciamenta audisset, genibus flexis orando, spiritum Deo reddidit. In Africa, beatorum martyrum, Petri, Successi, & Bassiani. Aruernis in Gallia, Sancti Nestorii presbyteri, beati Petri, Apostolorum principis discipuli. Apud Lemouicas, Sanctæ Valeriæ virginis, & martyris: cuius beatus Martialis in epistola, ad Tolosanum scripta, meminit. Papiæ, Sancti Syri Episcopi, & confessoris: qui primus illius urbis Episcopus, populum vniuersum, hoc maxime expetentem, ut salutaribus vitæ præceptis informaretur, ab impietatis erroribus ad CHRISTI fidem conuertit. Peragratis autem prædicationis causa compluribus Italiæ urbibus, cum & sanctæ, & admirabiliter plurima gessisset; meritorum laude clarus, ad præmium abiit in cælum. In Gallia, Petragoriis, Sancti Cypriani abbatis, admirandæ sanctitatis uiri, omniumque religiosarum uirtutum laude præstantis. Veronæ, Sancti Proculi Episcopi, & confessoris; cuius dies festus etiam agitur decimo

decimo calendas Aprilis. Hic illi us ciuitatis Episcopus quartus, in persecutione, quam Mediolani teterrimam Maximinus excitauit, martyrii desiderio exardescens, Sanctis viris, Firmo, & Rustico, fidei causa in vincula coniectis, se quoque Christianum esse, libera constantique voce affirmabat. Sed non assecutus, quod perpetuo expecterat, ut martyrio ex hac uita migraret; nihil tamen, quod pro CHRISTI gloria Episcopo accidere posset, intollerandum cum putaret, & in peregrinatione Hierosolymitana, forti animo multa perpeffus, Veronam demum rediit, ubi ab abstinentia, orationibus, assiduisque uigiliis confectus, quieuit in Domino, uirtutibus, & miraculis clarus.

A.
iiii.

Quarto idus Decembris. Luna.

27 9 19 11 11 12 4 14 25 17 17 28 9 20 1 11 23 16
A b c d p e f o g h i k l l m n o p q r s t

10 **R**omæ, Sancti Miltiadis Papæ, & martyris, qui sanctitate, & scientia prælucescens, Maxentii, Licinii, & Maximini temporibus, ecclesiæ Dei præfuit, qua religiose administrata, tandem Maximii iussu martyrio coronatus, sepelitur uia Appia, in cœmiterio Calixti. Spoleti, Sanctorum martyrum, Carpoliori presbyteri, & Abundii diaconi, qui persecutionis Diocletianianæ temporibus, Martiani præsidis decreto, primum fustibus cæsi, deinde in carcerem sine cibo, & potu, inclusi, diuque uinculis constricti, tum rursusque equuleo torti, postremo securi percussi sunt. Emersæ in Hispania, Sanctæ Eulaliæ virginis, & martyris. Hæc tresdecim annos nata, ob CHRISTI fidem, Datiani præfecti iussu, in illa ipsa persecutione, multis affecta supplicis, demum uinguis ferreis excarnificata, facibus semiustulata, hausto igne, martyrii cursum confecit. In qua item uirbe, Sanctæ Iuliæ virginis, quæ beatæ illi martyri, eiusdem certaminis, & gloriæ confors, ac socia fuit. In Græcia, Sanctorum martyrum Menæ, & Hermogenis. Cum enim Alexandria res quadam in disceptatione uocaretur, missus eo ab Imperatore Maximiano Menas, qui de hisce rebus transigeret, ut is, qui & sapientia, & eloquentia pluri-

plurimum posset. Sedata omni controuersia, Christianos promptiores, erectioresq; reddidit; & eos, qui morbo aliquo laborarent, mirabiliter curauit. Qua quidem re cognita, imperator mandauit Her mogeni, ut omni cruciamentorum acerbitate studeret Menam a christiana fide ad gentilium sacra traducere. Exequitur ille diligenter mandata; Menæ & oculos effodit, & linguam præcidit. At Dei beneficio restituitis oculis, ac lingua martyri, credidit ipse Her mogenes; a Menaq; baptizatus, Episcopus creatur ab iis, qui conue nerant, Episcopis. Id ubi Imperator cognouit, illos unâ cum notario fidem amplexo, occidi iussit. Viennæ, Sancti Sindulphi Episcopi, & confessoris.

Tertio idus Decembris. Luna. B.

28 10 20 2 12 23 I 15 26 8 18 29 10 21 3 13 24 6 17
 A b c d e f g h i k l m n o p q r s t

Romæ, sancti Damasi Papæ. Is concilio Constantinopolitano primo indicto, nefariam Eunomii & Macedonii hæresim extinxit: Ariminensem conuentum condemnauit: Basilicas duas ædificauit, alteram sancti Laurentii ad Theatrum Pompeii, alteram uia ardeatina ad Catacumbas. His, atque adeo multis rebus, sancte gestis, cum ad ecclesiæ gubernacula sedisset annos decem & octo, menses tres, dies undecim, uirtute, doctrina, & prudentia clarus, obdormiuit in Domino. Romæ item, Sanctorum martyrum, Pontiani, Prætextati, & Tarsonis. Hic, opibus circumfluens, Christianis hominibus, qui fidei causa in uinculis essent, uictum pie suppeditabat. Cuius rei nomine accusatus, Maximiani iussu unâ cum iis sociis duobus comprehenditur. Quamobrem pro Christi confessione hic, & illi uarie excruciat, demum fortiter nece obita, martyrii palmam tulerunt. Ambiani, sanctorum martyrum, Victorii, & Fusciani: in quorū nares, & aures Riçtiouarus præfectus sudes ferreas immitti iussit, tum clauis candentibus tempora transfigi, deinde oculos erui, post confodi corpora, postremo caput abscindi una cum beato Gen tiano,

Cc tiano,

tiano, eorū hospite. In Persia, Sanctorum martyrum, Apsei, & Athala. Hic, morbo affectus, cum in eam spem uenisset, ut, si aliquē Christianorum Episcopum adhiberet, statim curaretur, idq; sibi ex animi sententia cecidisset, CHRISTI fidem amplexus est; reuersusq; in patriam, hoc maximopere studebat, ut propinquos ad Christianam religionem perduceret. Comprehensus igitur a præfecto, abscissis manibus, in uincula conicitur. Deinde cum Apseo diacono, uerberibus affecto mittitur ad magorum principem. Sicq; ambo inducti ad regem, cum a proposito dimoueri non possent, nobili martyrio illustres, ad præmium cœlestē commigrant. In Hispania, Sancti Eurychii: cuius admirabiliter, sancteq; facta, litteris prodita, extant. Placentiæ, Sancti Sabini Episcopi, & confessoris: de quo item alio loco in martyrologium relatum est.

C. *Pridie idus Decembris.* Luna. *xii.*
 VI D 40 31 3 15 01 02 31 2 02 21 1 22 21 2 02 01 2
 29 11 21 3 13 24 16 16 27 9 19 1 21 22 4 14 25 7 18
 A b c d e f g h i K l m n o p q r s t

12 **N**arbonæ in Gallia, Sancti Pauli Sergii; qui illius urbis Episcopus, a beato Apostolo Paulo creatus, deinde in Hispaniam eū eodem profectus, euāgelicæ prædicationis munere in ea prouincia sancte perfunctus, miraculis clarus, quieuit in Domino. Alexandria Sanctorum martyrum, Epimachi, & Alexandri. Ii, Decio Imperatore, diu in uinculis cum fuissent; uarieque & grauiter cruciati, summam in fide constantiam præstitissent, demum combusti, sempiterna martyrii gloria perfruuntur. Alexandria item, Sanctorum Ammonariæ, Mercuriæ, Dionysiæ, & alterius Ammonariæ, martyrum: quæ, in illa ipsa Deciana persecutione, quo fortiores pro fidei confessione se præbuerunt, eo uehementius ira iudex ardens exquisita tormenta adhibuit, quibus illæ necarentur. at iis cælesti uirtute superatis omnibus, tandem gladio percussæ, martyrii corona donantur. Romæ, Sancti Synetii martyris. Hic ab ineunte ætate sacris litteris imbutus, lector deinde factus, præclare in Christianæ religionis præceptis tradendis se gessit, non sine magno idolorum contemptu.

Quare

Quare ad Aurelium Imperatorem delatus, comprehensusq; cū nulla tormentorum acerbitate, quibus uarie excruciatu fuerat, a uera certaq; de CHRISTO sententia deterreri posset, capitis damnatus, ad martyrii præmium abiit in cœlum. Alexandria item, beatorum martyrum, Hermogenis; Donati, & aliorum uiginti duo. In Pago Vimacensi, Sancti Valerici presbyteri, & confessoris.

Idibus Decembris: Luna.

D. 1.

1 12 22 4 14 25 7 17 28 10 20 2 12 23 5 15 26 8 19
 A b c d e f g h i k l m n o p q r s t

Sanctæ Luciae uirginis, & martyris: quæ Syracusis nata, genere, & Christiana fide nobilis, pice, resina, atque oleo feruenti perfusa, at Dei beneficio non læsa tamen, postea multis cruciata tormentis, præciso guttore, præclara cum fidei testificatione, spiritum Deo reddidit. In Græcia, Sanctorum martyrum, Eustratii, Eugenii, & Mardarii. Hic, persecutionis Diocletianianæ excitato ubiq; terrarum incendio, nullis non tentatus suppliciis, ut a Christiana religione descisceret, cum illud tantum identidem sæpe repeteret, libereque profiteretur, se Christianum esse; tandem perforatis talis, sublimibusque pedibus, ac membris posterioribus, in ignem positus, martyrio pro gloria CHRISTI coronatur. Porrò Eugenius, primum lingua, & manibus præcisis, deinde cruribus contractis asseueranter CHRISTI fidem testificatus, per martyrium migravit ad Dominum. Eustratius denique indignis laceratus modis, ac sexcentis affectus suppliciis, postremo in caminum demissus, præclaris fidei confessionibus insigniter nobilitatus, illustri martyrio coronatur. Cameraci, sancti Autberti Episcopi, & confessoris; qui omni pietate in CHRISTO adhærens, propagandæ religionis desiderio ita exarsit, ut cum multos, ad sancte agendi studium, cum Hannoniâ prouinciam ad fidem Christi suscipiendam plane inflammaret. Raucennæ, Sanctorum confessorum, Leucadii, & Vrsonii.

E. *Decimo nono calend. Ianuarij. Luna.*2 13 23 5 15 26 8 18 29 11 21 3 13 24 6 16 27 9 20
A b c d e f g h i k l m n o p q r f t

4 **A** Lexandriæ, beatissimorum martyrum, Arsenii, Isidori, & Discori pueri: quos in Decii persecutione uarie cruciatos, demum iudex comburi iussit. At Discorus multiplici suppliciorum genere affectus, diuina ope mirabiliter e morte ereptus est. Thebjs, sanctorum martyrum, Philemonis, Apollonii, & sociorum triginta: quos in fide tuenda constantes, Diocletianus Imperator, exquisitis suppliciis uarie tortos, demum culeis infutos, in mare deiici mandauit. Antiochia, Sanctorum, Drusi, Zosimi, & Theodori, martyrum. Acaloni, Sanctorum, Aris, Promi, & Eliæ: quorum primus ob fidei confessionem in rogam coniectus; reliqui duo securi percussi, egregie, ac preclare martyrium subierunt. Remis, sancti Nicasii Episcopi, & martyris: qui, Vandalicæ persecutionis facibus accensis, catholice fidei defensor acerrimus, in basilica Remensi sacris confectis, ab ecclesiæ hostibus capite plectitur. Sanctæ item Eutropiæ uirginis, sororis beati martyris Nicasii. Bergomi, sancti Viatoris Episcopi; qui Narno, illius ciuitatis Episcopo primo succedens, Bergomatem populum Christianæ religionis institutis uehementer confirmauit. Papiæ, sancti Pompeii Episcopi, beati Syri successoris. In Cypro insula, sancti Spiridionis Episcopi: qui fuit unus ex iis confessoribus, qui dextero oculo eruto, & sinistro poplite succiso, ad metallum relegati sunt. Hic propheticam uitam cum ageret, miraculorum etiam uirtute clarus extitit. Neapoli, Sancti Agnelli abbatis. Rauennæ, Sancti Ursicini Episcopi, summa uiri innocentia, ac religione. Viennæ, Sancti Lupicini Episcopi, & confessoris. Mediolani, sancti Matroniani heremitæ, & confessoris.

Decimo octavo Calen. Ianuarij. • Luna. F. ix.

3 14 24 6 16 27 9 19 1 12 22 4 14 25 7 17 28 10 21
 A b c d e f g h i k l m n o p q r s t

Romæ, Sanctorum martyrum, Irenæi, Antonii, Theodori, Satur
 hini, Victoris, & sociorum septemdecim: qui, Valeriano Impe-
 ratore, tormentis eximie nobilitati, præclaris in omni cruciату testi-
 moniis fidei datis, demum cœlestibus coronis, martyrii cursu con-
 fecto, donantur. Romæ item, Sancti Eleutherii martyris. Hic ineun-
 te ætate à matre imbuitur Christi fide, quam ab Sancto Paulo Apo-
 stolo illa didicerat; deinde Christianorum litteris à beatissimo Ani-
 ceto Pontifice instructus, post, clericatu, diaconatu, & presbyteratu
 perfunctus, in Adriani persecutione comprehenditur: ob fideique
 constantiam grauissime tortus, in ardentem furnum detruditur; sed
 egressus incolumis, præfectum traxit ad fidem: qui etiam ipse illæ-
 sus, vltro citroque commeans, ad Christum perduxit. Quare postea
 & Eleutherius, à carnificibus fœde concisus, & is securi percussus,
 martyrii nobilis corona vterque redimitus est. Sanctorum præte-
 rea martyrum, Faustini, Lucii, Candidi, Cæliani, Marci, Ianuarii, &
 Fortunati. In Africa, Sancti Valeriani Episcopi. Is octoginta, & am-
 plius annos natus, in Vandalorum persecutione, solus ab vrbe cie-
 ctus, omnique hospitio prohibitus edicto Gensfrici regis, in via pu-
 blica sub dio iacens, catholicæ ecclesiæ propugnator egregius, mul-
 tis calamitatibus afflictatus, reliquæ vitæ cursum summa toleran-
 tia, sanctitati que testificatione confecit. In diœcesi Aurelianensi,
 Sancti Maximini confessoris.

Decimo septimo Calen. Ianuarij. Luna. G.

4 15 25 7 17 28 10 20 2 13 25 5 15 26 8 18 29 11 22
 A b c d e f g h i k l m n o p q r s t

Trium puerorum, Ananiæ, Azariæ, & Misaelis: quorum corpo-
 ra Babylonæ recondita sunt in specu quodam. Rauennæ, San-
 ctorum

D E C E M B E R.

ctorum martyrum, Valentini, Concordii filii, Noualis, & Agricola, sociorum: qui ob CHRISTVM Dominum acerbissime necati, coronatur. In Græcia, Sancti Marini martyris; qui illustri loco natus, integra iam ætate, fidei Christianæ causa comprehensus, in equuleum raptus, gladiis laceratur; igne peruritur; sartagine torretur; terrimisque bestiis obiectatur. A quibus periculis diuinitus ereptus, cum in fidei confessione persisteret constanti, immensoque charitatis ardore, demum capitis damnatus, datis fortiter cervicibus, animam Deo reddidit. In Thuscia, Sanctæ Barbaræ uirginis; de qua alio loco scriptum est. Gazæ in Syria, beatorum martyrum, Floriani Calanici & aliorum quatragesima; qui in Saracenorum persecutione martyrium pertulerunt, Heraclio Imperatore. Viennæ, Sancti Adonis Episcopi & confessoris. Veronæ, Sancti Luperii Episcopi. Is & multiplici rerum cognitione præstans, & ad eos, qui in egestate uersabantur, plenaque manu subleuandos propensus, illis temporibus, egentium parens habitus est. In Hibernia, Sancti Beani Episcopi, & confessoris.

F. *Decimo sexto calendas Ianuarij. Luna.*
xvii.

5	16	26	8	18	29	11	21	3	14	24	6	16	27	9	19	1	12	23
A	b	c	d	e	f	g	h	i	k	l	m	n	o	p	q	r	s	t

17 **M** Assilia in Gallia, Sancti Lazari Episcopi. Hic patre Syro, matre Eucharía, e tribu Iuda natus, Marthæ, & Mariæ Magdalene frater, unus è septuaginta discipulis, à CHRISTO IESU è mortuis ad uitam reuocatus, Tiberio Cæsare Augusto, Massilia Episcopus factus, illa ecclesia, cui annos undecim præfuit, sancte administrata, meritorum laude clarus, quieuit in Domino. Antiochiæ, translatio Sancti Ignatii Episcopi, & martyris: qui Romæ martyrio coronatus, inde ad illam urbem delatus, in cœmiterio ecclesiæ extra portam Daphniticam, pia ueneratione reconditus est. In Africa, Sanctorum martyrum, Victorii, Victoris, & sociorum triginta trium.

Decimo

Decimo quinto Cal. Ianuarij. • Luna.

B. vi.

6 17 27 9 19 1 12 22 4 15 25 7 17 28 10 20 2 13 24
 A b c d e f g h i k l m n o p q r s t

Philippis in Macedonia, Sanctorum martyrum, Rufi, & Zofimi. 18
 fuerunt ex illis discipulis, qui nascente ecclesia, funda-
 ta iecerunt in Græcia, & in Iudæa. De quorum illustri martyrio be-
 tus etiam Polycarpus litteris ad posteritatem prodidit. In Africa,
 Sancti Moisetis martyris. In Africa item, beatorum martyrum, Quin-
 cti, Pauli, Digni, & Honorati: qui, in maximo persecutionis Decia-
 næ impetu, CHRISTI Domini fide, quam professi sunt, & crucia-
 tibus, & perfuso sanguine præclare testificata, martyrii palmam tu-
 lerunt. Sanctarum item, Anatholiæ, & Victoriæ, virginum. Hæ, in fi-
 dei Christianæ propugnatione, uirilis animi magnitudine nobiles,
 ne exquisitissimis quidem suppliciis fractæ, ad martyrii præmium
 perueniunt. Apud Turones, Sancti Gratiani Episcopi, & cōfessoris:
 qui ab vrbe Roma, eo missus, memorabili, diuinaq; Christianæ pie-
 tatis virtute præditus, miraculorum, quæ multa, ac magna diuinitus
 edidit, splendore eluxit.

Decimo quarto Cal. Ianuarij. Luna.

C.

7 18 28 10 20 2 13 23 5 16 26 8 18 29 11 21 3 14 25
 A b c d e f g h i k l m n o p q r s t

Alexandriæ in Aegypto. Sancti Nemesii martyris. Hic, in Dio- 19
 cletiani persecutione, latrocinii falso accusatus, eoque crimi-
 ne absolutus, mox Christianæ religionis nomine in iudicium voca-
 tus, duplicatis suppliciis, Aemiliani iudicis decreto affectus, vna cū
 latronibus comburitur, proposito Christi Domini exemplo, qui cū
 latronibus item cruci affixus est. In Mauritania, Sancti Timothei
 martyris: qui diaconus cum Christi fidem passim prædicaret, & con-
 uersos baptizaret: impuramque gentilium superstitionem dete-
 staretur; præfecti iussu comprehenditur; tum carcere, fame, siti
 mulctatus, cum in sententia pia permaneret, in succensum rogam

D E C E M B E R.

coniectus, animam Deo reddidit. Niceæ, Sancti Darii martyris. Ni-
 comedix, Sanctorum martyrum, Cyriaci, Palili, Secundi, Anastasii,
 ac Siddimi. Antifiodori, Sancti Gregorii Episcopi, & confessoris. Au-
 reliani, Sancti Adiuti Abbatis, prophetix spiritu illustris.

D.
 xiiii.

Decimo tertio Calen. Ianuarij. Luna.

8 19 29 11 21 3 14 24 6 17 27 9 19 1 12 22 4 15 26
 A b c d e f g h i k l m n o p q r s

20 **V**igilia, Sancti Thomæ Apostoli. Alexandria, Sanctorum mar-
 tyrum, Ammonis, Zenonis, Ptolomæi, Theophili, & Ingenui:
 qui in iudicio cum adessent, & homo quidam Christianus, suppliciis
 tortus, metuque affectus, titubaret admodum, atque in fide hæsitare
 videretur; ii vultu, nutu, oculorum coniectu, omnique alia significa-
 tione, illum afflictum erigere, & excitare ad martyrii constantiam
 conabantur. quamobrem contra eos clamore vulgi concitato, tum
 ipsi in medium prodeunt, libereque se Christianos esse confitentur.
 Quorum ob uictoriam de satana **C H R I S T V S** dominus trium-
 phans, suæ fidei propugnatoribus animi fortitudinem tribuit. In
 Mauritania, Sanctorum, Eugenii, & Macharii: quos Iulianus Aposta-
 ta, cuius illi impietatem vehementer coarguerant, in foueam serpē-
 tibus, omnique ferarum genere plenam detrudi, iussit, sed mirabili-
 ter, diuineque inde liberati, in Mauritaniam uincti relegantur, ubi
 & uitæ sanctitate, & miraculorum magnitudine, ac multitudine, cū
 ad Christianam fidem complures perduxerint, in pace quieuerunt,
 confessionis **C H R I S T I** corona decorati. In Thracia, Sancti Iulii
 martyris. Brixix, Sancti Dominici Episcopi, & confessoris: qui, Gre-
 gorio primo, sanctissimo Pontifice, pietate commemorabili, omni-
 que episcopali virtute florens, miraculorum, quibus Deus illius san-
 ctitatem testatam esse uoluit, claritate eluxit. In Græcia, Sancti Phi-
 logonii Episcopi, cuius memoriam beatus Ioannes Chrysostomus
 præclara concione celebrauit. Magaræ, in Hispania, Sancti Domini-
 ci confessoris, qui uitæ, institutionisque euangelicæ rationes cum
 mirifice

mirifice excoluerit; bene religioſeque factis, & miraculis clarus ex hac ad cœleſtem uitam diſceſſit.

Duodecimo Calen. Ianuarij. Luna.

E.iii.

9 20 1 12 22 4 15 25 7 18 28 10 20 2 13 23 5 16 27
 A b c d e f g h i k l m n o p q r s t

Sancti Thomæ Apoſtoli. Hic, poſt acceptum ſpiritum ſanctum, & euangelica prædicatione multas prouincias peragrauit: poſtremo ad Indos profectus, eos in Chriſtiana religione inſtituit. Viræ autem: & doctrinæ ſanctitate, miraculorumque magnitudine cum cæteris omnibus ſui admirationem & I E S V C H R I S T I amorem commouiffet; illius gentis regem, idola colentem, vehementius ad iram accendit: cuius ſententia condemnatus, telisque confoſus, Calaminæ Apoſtolatus honorem martyrii corona decorauit. Nicomediæ, Sanctæ uirginis, & martyris Iulianæ: quæ Maximiano Imperatore, à parentibus Eleuſio præfecto deſponſa; præciſe negauit illius nuptias, niſi Chriſtianus fieret. quamobrem pater mœſtus cœpit ſollicitare filiam, ut à C H R I S T O deſciſceret, & nuberet. at conſtantiffime eam in fide permanentem tradidit ſponſo, & præfecto, ut ex legibus quæſtioni adhiberetur. Is igitur uirginis corpus torum ſublime, per capillos dependens, depecti; cutem capiti detrahi; in flammam conici; demum ſecuri feriri iuſſit. In Licia, Sancti Themisto- clis martyris. Hic, Decio Imperatore, à regionis præfecto militibus, ad Dioſcoridem, admirandæ pietatis hominem, comprehēdendum miſſis, ſe ipſum pro ſancto, cuius latebram illi quærebant, conſtringendum tradidit, cōfeſſus ſe Chriſtianum eſſe. Itaque perductus ad præfectum, ſupinus humi ſternitur, tamdiuque cœditur. dum dirupto ventre diſfluereſt in teſtina; deinde in equuleum actus indeque poſt depositus, & per deſoſſos in terra murices in terra raptatus, atque interea fuſtibus contuſus, præclaris uerè pieratis, fideique teſtificationibus, martyrii curſum confecit. In Thuſcia, Sāctorum, Ioannis, & Feſti. Treuiris, Sancti Seuerini Epifcopi, & cōfeſſoris. Cathalonæ in Gallia, Sancti Mennii Epifcopi: qui a beato Petro, Apoſtolorum

D E C E M B E R .

Principe, illius civitatis Episcopus creatus, euangelicæ prædicationis munus executus, Catalonensem populum cum ad fidei doctrinam instruxerit miraculorum laude clarus, quieuit in Domino.

F.

Vndecimo calen. Ianuarij.

Luna.

10 21 2 13 5 16 26 8 19 29 11 21 3 14 24 6 17 28
A b c d e f g h i k l m n o p q r s

22 **R** Omæ, uia Lauicana, inter duas lauros, beatissimorum martyrum triginta: qui in Diocletiani persecutione, omnes uno die coronati martyrio sunt. Alexandria, sancti Schirionis martyris. Is ad idolorum cultum, & uerborum blanditiis, & iniuriis compulsus, nunquam tamen nefariæ impietati assensus, sude præcuta transfusus, victor martyrii palmam tulit. In Bithynia, Sanctæ Theodotæ, & filiorum martyrum. Hæc, celebri Anastasiæ, Romanæ, admiranda pietate uirginis, fama commota, pro magno habuit negotio eam conuenire, atque diutius apud illam unâ cum filiis commorari. Cuius coniugium cum peteret Leucadius præfectus, rogauit eam, ut paulisper moraretur: quo temporis interuallo hæc, erogatis in pauperes opibus suis, nauabat operam Sanctis, pro CHRISTI gloria uinctis. Diocletianus uero, quoniam carceres, & ergastula Christianorum numerum capere non poterant, edixit ubique terrarum, ut genus uniuersum, alii ferro, alii aqua, alii igne, deleteretur. Quare Leucadius Theodotam cum filiis tradidit Nicetio, Bithyniæ præfecto: cuius iussu mater, & liberi, in pyram coniecti, constantissima fidei confessione, ad martyrii palmam perueniunt. Hostiæ, sanctorum martyrum, Demetrii, Honorati, & Flori. In Aegypto, sanctorum quam plurimorum martyrum: qui, in acerbissima illa Decii persecutione, perinculca, & deserta illius regionis loca errantes, partim fame, siti, & frigore enecti, partim a latronibus, partim a feris necati sunt. Antiochiæ, sancti Basilei martyris.

Decimo

Decimo calen. Ianuarij.

Luna.

G. xi.

11 22 3 14 24 6 17 27 9 20 1 12 22 4 15 25 7 18 29
 A b c d e f g h i k l m n o p q r s t

Romæ, Sactæ Victoriæ Virginis: quæ, Decio Imperatore, Eugenio cuidam, homini, a fide christiana abhorrenti, desponsa, cum nec nubere, neque idola colere uellet, uirginitatis, quam sponso CHRISTO uouerat, tuendæ studio flagrans, & miraculorum magnitudine illustris, tyranni iussu à carnifice gladio transfuerberatur. In Nicomedia, Sanctorum martyrum, uiginti, quos Diocletianiana persecutio, grauissimis cruciatis tormentis martyres CHRISTI effecit, eosque beatos cum cœlestis patriæ ciuibus coniunxit. In Creta, beatorum martyrum decem, Theoduli, Saturnini, Eupori, Gelasii, Euniciani, Zetici, Cleomenis, Agathopi, Basilidis, & Euaristi. Ii, in illa ipsa Deciana persecutione, ab insularis Christianæ fidei accusati, cum idolorum altaribus immolare nolent, a præfecto in cruciatum, prout cuique collibuisse, populo traditi, circumducuntur, uerberibus afficiuntur, lapidibus obruuntur, per stercora rapiuntur, demum præfecti iussu ceruicibus abscissis coronantur. Romæ item, sancti Seruuli: qui a prima ætate usque ad extremam paralyticus in porticu basilicæ beati Clemētis iacuit. Eius sanctitatem Deus notam, ac peruulgatam esse uoluit multis miraculis, in illius sepulcro diuinitus editis. Parisiis Dedicatio basilicæ sanctæ Crucis, & sancti Vincentii martyris.

Nono calendas Ianuarij.

Luna.

B.

13 24 5 16 26 8 19 29 11 22 3 14 24 6 17 27 9 20 2
 A b c d e f g h i k l m n o p q r s t

Vigilia natalis Dñi nri, IESU CHRISTI. Romæ beatissimorū martyrum Metropij, Pauli, & Luciani. Antiochię in Syria sctarū virginum,

virginum, & martyrum quatragenta: quæ variis exercitiis supplicii, Decio Imperatore, in omni cruciatus genere, à proposito nunquam dimota, viriliter pro CHRISTI laude nec subierunt. Spoleti, Sancti Gregorii presbyteri, & martyris. Hic in Diocletiani, & Maximiani persecutionum tempestatibus, Christianæ fidei accusatus, fustibus primum cæsus, deinde, post craticulam, & carcerem pectinibus ferreis cruciatus, tum facibus adustus, postremo in amphiteatrum ductus, præciso capite martyrii palmam accepit. Alexandria, Sanctæ Eugeniæ virginis, & sociorum martyrum. Hæc, Imperatore Commodò, litteras gentilium, & Christianorum apprime docta, dum libros sacros studiose euolueret, incidit in epistolas beati Pauli: quarum lectione conuersa ad CHRISTVM, spreta huius uitæ gloria, sumptoque uirili habitu, in monasterio suscepit baptismum. cum eunuchum se assumulasset. Postea autem, quæ esset, agnita, Philippum patrem, Alexandria præfectum, matrem, & propinquos ad fidem perduxit. quamobrem paulo post ipsa, & ii ceteri omnes martyrio coronati sunt. Tripoli, beatorum martyrum, Luciani, Zenoti, Theutini, & Drusi.

B.

Octauo Calen. Ianuarij. Luna.

13 24 5 16 26 8 19 29 11 22 3 14 24 6 17 27 9 20 3
A b c d e f g h i k l m n o p q r s t

25 **H** Ebdomada sexagesima tertia, vt est in Danielis prophetia, sexta mundi ætate, toto orbe in pace composito, æternus Deus, æternique patris filius, mundum volens suo pio aduentu consecrare, de spiritu sancto conceptus, nouem post conceptionem mensibus.

Alta voce pronuntia-
tur.

IESVS CHRISTVS, FILIVS DEI, IN BETHLEHEM IVDÆ, EX BEATISSIMA VIRGINE MARIA NASCI TVR: Anno Cæsaris Augusti quatragesimo secundo. Romæ, uia Latina, in cœmiterio Aproniani, Sanctæ Eugeniæ virginis, & martyris: quæ, in Galieni persecutione, Nicetii, vrbis præfecti, iussu grauissime cruciata, in Tyberim, Saxo ad collum alligato, præceps deiecta, inde in thermas, æstu feruentis,

ventes, inclusa, diuq; pro CHRISTO Domino gemicans, demum iugulata est. In Palmaria insula, Sanctæ Anastasiæ, & sociorum martyrum. Ea Romæ nobilibus orta parentibus, CHRISTI fide à matre, & à Chryfogono, Christianorum doctore, litteris instituta, benigna, & liberalis in pauperes, & in eos, qui Diocletiano Imperatore, Christianæ pietatis causa erant in vinculis; Publio autem viro suo, quoniam à CHRISTI Domini fide abhorreret, nullam sui corporis potestatem faciebat. quas ob res in tetram custodiam ab eo primû inclusa, deinde ab Illirico præfecto diu in carcere afflicta, & suppliciis tortâ, post, vnâ cum viris ducentis, & mulieribus quingentis in nauim imposita, vt in mare omnes demergerentur, ad Palmariam insulam delata est: ubi ipsa, pedibus, & manibus extensis, ad palum alligata ob CHRISTI Domini fidem combusta, reliqui, varie necati, & præclara martyrii celebritate, ad præmium cœleste perueniunt.

Septimo Cal. Ianuarij. Luna.

C.

14 25 6 17 27 9 20 1 12 23 4 15 25 7 18 28 10 21 3
 A b c d e f g h i k l m n o p q r f t

Sancti Stephani protomartyris. Is, Sanctorum Apostolorum discipulus post CHRISTI Domini ascensum ad cœlos, cum aliis sex diaconus electus, cum esset plenus gratia, & spiritu sancto, faciebat signa, & prodigia in populo, dum fidem Christi studiose doceret, & prædicaret. Cumque cum Cyrenësis atque aliis in certamen venisset, ac superior, allatis sacrorum librorum testimoniis, discessisset; illi quidem furenter irati, concursu facto cæperunt lapidationem facere; ipse vero flexis genibus orare, Domine, inquit, ne statuas illis hoc peccatum. Quæ cum diceret, uidit cœlos apertos, & Iesum stantem à dextris uirtutis Dei, & se compellantem: sicque dum lapidibus cæditur, atque adeo obruitur, primus inter nobiles CHRISTI martyres, præclari martyrii corona decoratus, abiit in cœlum Romæ, Sancti Dionysii pontificis: qui, Claudio Imperatore, fidei doctrina, & sanctitatis claritate præluxit. Sancti item

Et item Zofimi pontificis: qui sabbato sancto cereum benedici instituit. Sancti præterea martyris Marini, genere nobilis, longeque martyrii nobilitate clarissimi.

D.

Sexto Calen. Ianuarij. Luna.

15 26 7 18 28 10 21 2 13 24 5 16 26 8 19 29 11 22 4
A b c d e f g h i k l m n o p q r s t

27

Sancti Iohannis Apostoli, & euangelistæ. Hic Zebedæi filius, Iacobi Apostoli frater nouissime omnium scripsit Euangelium, rogatus ab Asiæ Episcopis. In Domitiani persecutione relegatus ad Pathmum insulam, scripsit Apocalypsim, & tres epistolas. Interfecto autem Domitiano, Ephesum reuersus, uniuersas Asiæ fundauit, rexitque ecclesias. Alexandria, Sancti Maximi Episcopi uicæ, doctrinæque sanctitate, ac fidei confessione clari. In diœcesi Aquilensi, Sancti Zoeli presbyteri, & confessoris.

E.

Quinto Calen. Ianuarij. Luna.

xvi.

16 27 8 19 29 11 22 3 14 25 6 17 27 9 20 1 12 23 5
A b c d e f g h i k l m n o p q r s t

28

Sanctorum Innocentum martyrum: quorum cædes, ab Herode facta, ex litteris euangelicis perspicua, notaque est. Sanctorum item uiginti millium martyrum. Maximianus enim Imperator, confecto feliciter Aethyopiæ bello, uictoriæ celebritatem edixit: quare cum passim diis uictimæ immolarentur, renunciatum est Christianos solos, diem natalem CHRISTI summa cum lætitia celebrare, neglecta dæmonum impuritate. ille igitur mandauit, ut circum illud templum, in quo uersabatur coetus is Christianorum, confrata sarmentis quaque uersus terra, suppositoque igne omnes conflagrarent. Vix dum Episcopus sacrum confecerat, cum subiecto igni hominum uiginti millia concremata, martyrium obierunt. sanctorum præterea aliorum martyrum complurimorum. Nec uero

corum

eorum solum, qui combusti sunt. eade ille contentus, iussit etiam Christianos omnes occidi. Igitur Gorgonius, & Petrus, alligatis ad collum saxi, in mare demerguntur; Xenon, cum Dorotheo capite obtruncatur; Mydonius altissima fouea obruitur; Glicerius presbyter igni absumitur. Theophilus, lingua præcisa, lapidibus necatur; compluresque alii uarie excruciat, nece obita, coronantur. In Africa, Sanctorum martyrum, Castoris, Victoris, & Rogatiani. Nursiæ, Sanctorum Euthychii, & Florëtii. Hic orationi, & assiduis precibus deditus, ac simplex; ille spiritus zelo, virtutisque Christianæ ardore incensus, cohortationibus ad Deum iter quamplurimis comostans, vterque miraculorum gloria splendescens, quieuit in Domino.

Quarto Cal. Ianuarij. Luna.

F. v.

17	18	9	20	1	12	23	4	15	26	7	18	28	10	21	2	13	24	6
A	b	c	d	e	f	g	h	i	k	l	m	n	o	p	q	r	s	t

Sancti Thomæ Archiepiscopi, & martyris. Hic Cantuariæ in Anglia Archiepiscopus, primum in gerendo cancellariæ magistratu: deinde in Archiepiscopali officio, summa uirtutū laude florens, regis, inique in legibus, dignitati, vtilitatiq; ecclesiæ repugnātib; ferendis se gerentis, cupiditati, constanter restitit. quamobrē in exilium pulsus, ac post inde reuocatus, dum boni pastoris officium exequitur, à nefariis satellitibus in templo contrucidatus, ad CHRISTIANI præcepta, cum uitæ cursum perpetuò accommodasset, iusteq; cum fide uixisset, illius sanctitate multis testificata miraculis, in Sanctorum martyrum numerū ab Alexandro Tertio Pontifice rite adscriptus est. Arelate, Sancti Trophimi Episcopi: qui, beatorum Apostolorum, Petri, & Pauli, discipulus, in Galliam Euangelicæ prædicationis causa profectus, ita se gessit, ut ex illius fonte, ait Zosimus Papa, vniuersa ea prouincia fidei riuulos accepit. Viennæ, in Gallia, Sancti Crescentii Episcopi. Hic, Moguntinæ ciuitatis primo Episcopus, deinde Viennam missus, Viennensem ecclesiam fidei mysteriis primus imbuit. In Africa Sanctorum martyrum, Dominici, Victoris, Primiani, & Libosi Episcopi.

Episcopi. Mediolani, Ordinatio, Sancti Iacobi Apostoli: cum scilicet is ab Apostolis institutus est Episcopus Hierosolymæ. In Pago Oxinensi, Sancti Ebrulphi confessoris: cuius admirabiliter, diuinitusque facta leguntur.

G.

Tertio Cal. Ianuarij. Luna.

18 29 10 21 2 13 24 5 16 27 8 19 29 11 22 3 14 25 7
 A b c d e f g h i k l m n o p q r s t

30 **R**omæ, Sancti Liberalis, Cannarum Episcopi, & martyris, qui Hadriano Imperatore, in vrbe præclaris fidei confessionibus, ac martyrii gloria nobilitatus, inde à ciuibus Cannensibus in patriam translatus, pie reconditus est. Spoleti, Sanctorum martyrum, Sabini Episcopi, Exuperantii, & Marcelli, diaconorum, Venustiani item cū vxore, & liberis. Ex iis Marcellus, & Exuperatius, primum equuleo torti, deinde fustibus cæsi, post unguis laniati, & facibus semistulati, martyrio demum coronantur. Sabinus autem Episcopus, grauius, atque vsque adeo cæsus est, dum emitteret spiritum. Venustianus vero, securi feritur vnà cum coniuge, & liberis, idque in Maximiani persecutione. Alexandria, Sancti Mansueti martyris, & sociorum decem. Thessalonicæ, Sanctæ Anysiæ martyris. Hæc, mortuis parentibus, quos diuitiis, genere, & fide nobiles habuit, congressus hominum solitudinis studio fugiens, factis & uerbis Deo gratias agebat. Ibat aliquando, in illa ipsa Maximiani persecutione, ad ecclesiam, factaque obuiam militi, idola colenti, qui reluctantem pro uiribus sanctam ad nefaria cōpellebat sacra, ab eo irato per costas traiecto gladio, grauique accepto vulnere, cōcidit statim; pauloque post orando, reddidit Deo spiritum. Apud Turones, Sancti Perpetui Episcopi, & confessoris. Mediolani, Sancti Eugenii Episcopi, & confessoris. Rauennæ, Sancti Liberii Episcopi, qui summa uir fuit pietate, aureum orationis flumen fundens, cum apud populum concionaretur. Veronæ, Sancti Crichini Episcopi; veræ pietatis, & morum magistri, egregiique doctoris.

Pridie

Pridie cal. Ianuarij. Luna. xiii.

19 30 11 22 3 14 25 6 17 28 9 20 1 12 23 4 15 26 8
 A b c d e f g h i k l m n o p q r s t

Romæ, Sancti Siluestri Papæ, & confessoris. Hic pontifex, sapiētia, & uirtute excolens, Miltiadi successit. suscepta igitur ecclesiæ gubernatione, multa pro magno Christianorum grege subiit certamina. Constantinoque Magno, qui primus Imperatorum, ab Apostolis Petro, & Paulo in somnis monitus, ducem se in uitæ Christianæ institutione præbuit: deinde sacra baptismi aqua, non lepræ solum, sed animæ etiam sordes omnes eluit: auctoriq; fuit, ut conuulsis dæmonum simulacris, tēpla Deo, Dei genitrici, Sanctis Apostolis, & martyribus excitaret. Romæ præterea Synodum habuit, in qua interfuerunt ducenti, octoginta quattuor Episcopi: Nycænam Synodum, in qua Sancta, & catholica fides explicata est, Ario, Photino, & Sabellio, eorumque sectatoribus damnatis, confirmauit, id maxime petentibus concilii patribus vniuersis: multa item decreta confecit, ecclesiæ Dei utilia. Demum summa senectute cum esset, sanctitatis, sancteque factorum, & virtutum admirandarum laude clarus, de ecclesiâq; optime meritus, è corporis vinculis ad præmium euolauit in cælum. Apud Senones, Sanctorum, Sabiniani Episcopi, & Pontiani: qui à Romano Pontifice illuc missi ad prædicandum euangelium, martyrii sui gloria, & splendore eam urbem illustrarunt. Sanctæ item Columbæ uirginis: quæ, Aureliano Imperatore, superato igne, gladio ibidem cæsa est. Romæ Sanctæ Melaniæ uirginis. Hæc, opibus, genere, & forma insignis, ob eamque causam à multis expetita uxor, uirginitatis studio a nuptiis prorsus abhorrens, cum a parentibus inuita cuidam in matrimonium data esset, tantum dicendo profecit, ut sponsus repudiato, explosoque idolorum cultu, & abiecto mundanæ uitæ instituto, monachus fieret. Ipsa uero pauperibus distributo, quod à parentibus amplum acceperat, patrimonio, monasticam amplexa est uitam: in qua diuinitus miraculis

raculis illustrata, & edificato monasterio, corporis demum custodiis li-
berata, abiit ad Dominum. Retiariæ, sancti Hermetis Exorcistæ. Ra-
uennæ, Sancti Barbatiani presbyteri, & confessoris: cuius uitam, san-
cte religiose actam, ac rerum mirificarum, diuine gestarum, splē-
dore illustrem, Petrus Damianus præclara concione exposuit. Et
aliorum plurimorum Sanctorum, martyrum, cōfessorum, atque uir-
ginum. *Deo gratias.*

Preciosa in conspectu Domini mors sanctorum eius
Oremus.

Sancta Maria, & omnes Sancti intercedant pro nobis ad Domi-
num, ut nos mereamur ab eo adiuuari, & saluari, qui uiuit, &
regnat in sæcula sæculorum. *Amen.*

entur ad
eris Ex
s: cum
ine g
one ex
florum
et or
nobis ad
ari, qui

[Faint, mostly illegible text in a Gothic script, likely bleed-through from the reverse side of the page.]

[Handwritten word or initials in a cursive script.]



